

泉志 十一之五


漢書門類		二六五九	函	三	冊
		二六五九	架	一	冊

內閣文庫		漢書類	二六五九	函	三	冊
		漢書類	二六五九	架	一	冊

內閣文庫		番號	漢	2659
		冊數	3	( 3 )
		函號	306	237

譜錄


二



泉志卷之十一

宋洪遵撰


外國品中




淺草文庫

右因堠國錢 王子年拾遺記曰因堠國在西域之北晉武帝時獻玉錢千緡其形如環環重十兩上有天壽永吉之字 寶積記曰晉太康


中因輝國進玉錢千緡其形如環重十兩上有  
天壽永吉之文 余按此錢二書所載皆同李  
孝美以天壽為壽昌以環為刀環又云出拾遺  
記豈亥豕之訛耶




右和同錢



右神功錢




右萬年錢




右隆平錢


舊譜曰日本國錢四品並徑寸重  
五銖其文隸書一曰和同開珍二曰神功開珍  
三曰萬年通寶四曰隆平永寶其國延曆中鑄




右乾文錢 國朝會要云太平興國九年日本國僧齋然等浮海而至云其國用銅錢文曰乾文寶



右屋馱國錢 徐氏曰徑七分厚薄肉好不異中夏敦素曰字若梵書不可復識



右疎勒國錢



右龜茲國錢 徐氏曰龜茲疎勒國即五銖也


大九分一向文 敦素曰按二國獨用者昔西涼張軌用之此二國地接涼境豈非張氏之遺制乎 唐書西域傳曰葱嶺以東俗喜淫龜茲

于闐置女肆征其錢 樂史太平寰宇記曰龜  
茲國賦稅准地徵租無田者則稅銀錢 余按  
一書所載則龜茲用錢審矣徐氏五銖之說未  
知何據耶



右吐蕃國錢 敦素曰此錢徑一寸重五銖肉好  
精巧不減中國以銅為之皆胡字不可識背文  
如開元錢有甲文詢于衆人謂之胡錢 徐氏


曰按屋馱與此相類但校三分之小耳 張  
曰按言胡錢者非了絕大抵西北諸國通曰胡  
近有吐蕃使來即將此錢去是吐蕃錢即非止  
屋馱與胡也




右倭國錢 贊寧傳載曰倭國在東海中正朔  
一同中夏年號天慶天曆其國用錢文曰延喜  
通寶




右梵字錢 余按此錢徑八分重三銖六參銅色純赤文不可辨太抵類屋馱吐蕃錢



右契丹國天贊錢 五代史四夷附錄曰契丹主阿保機僭號名年曰天贊 余按此錢徑九分重三銖六參文曰天贊通寶



右應曆錢 董道曰北虜錢文曰應曆重寶 趙至忠虜庭雜記曰偽穆宗德光之子改元應曆





右重熙錢 趙至忠虜庭雜記曰聖宗卒少主宗真立改元景福一年又改重熙 余按此錢

徑九分重三銖文曰重熙通寶




右清寧錢 陳昉虜庭須知曰契丹主洪基改元清寧 余按此錢徑九分重三銖文曰清寧通寶




右大康錢 徐兢高麗圖經曰契丹咸雍十年


改大康至十年改元大安 余按此錢有二品並徑九分重二銖四參以大康通寶大康元寶為文



右大安錢 李季興東北諸蕃樞要曰契丹主天祐年號大安 余按此錢徑八分重二銖八參文曰大安元寶今世多有






右壽昌錢 李季與東北諸蕃樞要曰契丹主  
天祐年號壽昌 余按此錢徑九分重二銖四  
參文曰壽昌



右乾統錢 北遼通書曰天祚即位壽昌七年  
改為乾統 余按此錢徑寸重二銖二參文曰

乾統元寶



右天慶錢 李季與東北諸蕃樞要云契丹主  
天祚年號天慶 余按此錢徑九分重二銖四  
參文曰天慶元寶自天贊錢以下九品皆契丹  
年號計當時所鑄考之虜度雜紀曰景宗朝置  
鑄錢院年額五百貫則契丹鑄錢舊矣




與字  
疑當  
興

度疑  
當作  
庭字




千口萬  
秋

右千秋錢 李孝美曰此錢徑三分文曰千秋  
萬歲今甚易得蓋常歲虜使入貢人多博易得  
耳董道曰遼國錢益近世所為




右海東三錢 余按雞林類事云高麗所鑄有  
通寶重寶之文今世所見凡三種通寶錢有二

篆字及真行體重寶篆文製作頗精並徑九分  
重三銖六參




右三韓錢 孫穆雞林類事曰高麗倣本朝鑄  
錢以錢交易但其國人與海賈未以為便其錢  
規模與中國同皆以海東通寶或海東重寶三  
韓通寶為記 徐兢高麗圖經曰廣化門東南  
卽鑄錢監他貨皆以物交易唯市藥則間以錢

寶




右東國錢 余按此錢徑寸重二銖四參文曰東國通寶輪郭渾重字畫明坦計高麗所鑄



右闍婆國梵書錢 三朝國史曰闍婆國在南海中其國翦銀葉為錢博易官以粟一斛一斗

去當  
作云

博金一錢諸蕃風俗去其國以銅銀錫鐵鉛雜鑄為錢其錢六十四箇為一兩 余按此錢甚小而薄面背無梵書無穿孔背形微欹錢質不可辨當是雜鉛錫或銀為之其國一當五十或三十



右交趾國黎字錢 國朝會要云秘書丞朱正臣言前通判廣州竊見蕃商多往交州貿易

黎字及砂鑄錢至州頗紊中國之法



Faint bleed-through text from the reverse side of the page, including characters like '泉志' and '卷十一'.

泉志卷之十二

宋洪遵撰 明徐象梅校并圖篆

外國品下



右大秦國錢 後漢書西域傳曰大秦國一名  
犁鞞國以金銀為錢銀錢十當金錢一 隋書  
食貨志曰後周武帝時梁益之境雜用古錢交

易河西諸郡或用西域金銀之錢官不禁




右三佛齊國錢 諸蕃風俗云在廣州正南其國用金銀銅錫合鑄為錢



右佛泥國錢 諸蕃風俗云在廣州東南其國用銅鑄銀雜鑄為錢



右東沃沮國錢 魏志東夷傳曰在高句麗蓋馬大山之東 魏畧曰其國嫁娶之法女家責錢錢畢乃復還婿



右新羅國錢 傳燈錄曰城於洪州開元寺受新羅僧金大悲錢二十千令取六祖大師首歸


海東供養



右高昌國錢

後周書異域傳曰高昌賦稅計

田輸銀錢



右波斯國錢

後周書異域傳曰波斯賦稅准

地輸銀錢隋書西域傳曰波斯國人年三闕

已上出口錢四文新唐書西域傳曰波斯國

偷者輸銀錢余按地賦口筭盜罰當是三種

諸史互舉其一何也又按西域記云波利斯國

舊曰波斯貨用大銀錢戶課賦稅人四銀錢然

則波斯波刺斯一也唐史云波斯居達過水又

于他國旁出云波刺斯治蘇刺薩倘那城賦稅

口出四銀錢一書所載口稅同而史氏不於波

斯國表見豈誤以為一國耶

右女國錢 隋書西域傳曰女國在葱嶺之南其女王死國中則厚斂金錢求死者族中之賢女二人一為女王次為小王 唐書西域傳曰東女羌別種也西海亦有女王故稱東別之王死國人以金錢數萬納王族求淑女三立之次為小王王死因以為嗣



右大月氏國錢 通典云大月氏國在大宛西錢貨與安息同



右小月氏國錢 北史西域傳曰小月氏國以金銀錢為貨





右中「天竺國錢」舊唐書西域傳曰「中天竺國謀反者幽殺之小犯罰錢以贖罪」新唐書西域傳曰「中天竺小罪贖錢」西域記曰「天竺之稱舊云身毒其貨用金錢銀錢貝珠小珠四分律曰西方錢有銅錢白鉛錫樹膠皮木金銀銖等錢形亦不同有如王面方圓長短等錢不同字亦隨時處」三朝國史曰「天竺國舊名身

毒市易用銅錢有文漫圓徑如中國之制作但其中心不穿貫耳




右于闐國錢唐書西域傳曰葱嶺以東俗喜淫龜茲于闐置女肆征其錢




右投和國錢唐書南蠻傳曰投和在真臘南

銀作錢類榆莢盜鑄者截手樂史太平寰宇記曰投和國其市中所貿易皆用銀錢小如榆莢私鑄者截腕



右阿耆國錢 西域記曰阿耆尼國貨用金銀


錢銀小銅錢



銀字疑行


右屈居勿支國錢 西域記曰屈支國貨用金

銀錢小銅錢



右觀貨邏國錢 西域記曰觀貨邏國貨用金

銀等錢模樣異諸國




右梵衍那國錢 西域記曰梵衍那國貨幣之



用同觀貨邏國



右迦畢試國錢 西域記曰迦畢試國貨用金  
錢銀錢及小銅錢規矩模樣異於諸國



右那揭羅曷國錢 西域記曰那揭羅曷國昔  
如來在世之時牧牛之士以金錢買花供養受


記又云諸欲見如來頂骨者稅一金錢若取印  
者稅五金錢



右健馱邏國錢 西域記曰健馱邏國有貧士  
得一金錢願造佛像酬工尚少復有一人持一  
金錢求畫佛像畫工是時受二人錢共畫一像




右室邏伐悉底國錢 西域記曰室邏伐悉底國王威風遠洽臣諸印度日以五億金錢周給貧窶一使入剃髮輒賜一億金錢




繁字  
五字  
疑當  
誤字

右羯若鞠闍國錢 西域記曰羯若鞠闍國有佛牙長餘寸半士庶瞻仰監守者繁其喧雜權五重稅欲見佛牙輸大金錢



右鉢邏那伽國錢 西域記曰鉢邏那伽國中有一天祠靈異多端衆生於此祠捨一錢功踰他所施千金



右婆羅痾斯國錢 西域記曰婆羅痾斯國有隱士遇一人悲號遂路以五百金錢遺之



右尼波羅國錢

西域記曰尼波羅國出赤銅

貨用赤銅錢



右摩揭陀國錢

西域記曰摩揭陀國有伽藍

其地本菴沒羅國五百商人以十億金錢買以施佛



右伊爛拏鉢代多國錢

西域記曰伊爛拏鉢

代多國昔一長者晚有繼嗣時有報者輒賜金錢一百億因名其子聞二百億




右橋薩羅國錢


西域記曰橋薩羅國王為龍

猛菩薩鑿山建立伽藍計工人所食鹽價用九

拘胝金錢唐言億



右摩突羅國錢 阿育王傳曰摩突羅國有長者出錢於山中作精舍又有一長者錢財衰耗唯五百舊金錢在詣尊者邈多所而求出家



右乾陀越國錢 阿育王傳曰阿育王王華氏城號阿恕伽轉輪聖王持一金錢布施此塔王有宮婢得一銅錢以施眾僧後生王宮掌中有一大金錢隨取隨生王又遍行勸索欲用作福到一貧家夫婦二人詣富家質七枚金錢與勸化者 余按阿育王乃頻婆娑羅王之後稟頻頭莎羅王之子其傳不載國名考之阿育王息懷目因緣經云乾陀越國樂如天宮聖王阿育於中綏化則知其國為乾陀越矣




右杜薄國錢 樂史太平寰宇記曰杜薄國出金以金為錢




右康居國錢 韋節西蕃記曰康居國以六月一日為歲首至此日王及人庶在國城東林下七日馬射至欲罷日置一金錢于帖上射中者

則得一日為王





右末祿國錢 杜還經行記曰末祿國在惡梅國西南市鄺正平其佑銀錢



右軒渠國錢 樂史太平寰宇記曰軒渠國幣貨畧同三童國 張騫出關志曰凡諸國幣貨

稀疑貨  
字之誤

多，用蕉越犀象作金幣，率象國王之面，亦效王后之面。若丈夫交易，則用國王之面；女人交易，則用王后之面。王死則更鑄。




右三童國錢。樂史太平寰宇記曰：三童國作

金幣，率效國王之面，亦效王后之面。若丈夫交易，則用國王之面；婦人用王后之面。王死則更

鑄。

入國

本幣



右阿鈞康國錢

後魏書西城傳曰：阿鈞康國


市用錢，為貨




右舍衛國錢


四分律曰：佛在舍衛國時，舍衛

城中諸長者集會，先有制，其有不至者，罰錢五百。







右層檀國錢 神宗國史曰層檀國交易用錢  
三分其齊金銅相半而銀加一分禁私鑄



右裸人國錢 義楚釋氏六帖云寄歸傳曰裸  
人國以藤竹器易鉄或用寶貝或用金銀錢




右碎葉鐵國錢 徐氏曰賔鐵作之形如兩環  
相連枚各圍寸九分聖曆中御史封思業使西  
域監斬叛突厥阿悉結薄露大足中還雒陽得  
西域諸國錢此與何國以下六品並是也




右驃國錢 唐書南蠻傳曰驃古朱波也以金

銀為錢形如半月號登伽佗亦曰足彈陀禁  
綽雲南志曰驃國用銀錢



右巴氏錢後漢南蠻傳曰秦惠王并巴中以  
巴氏為蠻夷君長其君長歲出賦二千一百六  
錢三歲一出義賦千八百錢



右倓錢後漢南蠻傳曰秦昭襄王時有巴邛  
閬中夷人能作白弩射殺白虎昭王嘉之乃刻  
石盟夷人傷入者論殺入得以倓錢贖死



右賓錢後漢南蠻傳曰高祖為漢王發夷人  
還伐秦秦地既定乃遣還巴中復其渠帥七  
姓不輸租賦餘戶乃歲入賓錢口四十余按  
巴氏錢以下三品皆夷人部落臣屬中國故輸



租受律以其本夷人而後漢總之南蠻故係外國品後




右沙州玉錢 張台曰大中十有一年河西節度使張議譚進玉錢一枚時不宜下其文字輕重世莫得而聞也議譚本吐蕃別部以沙州歸國遂以沙州為河西軍拜議譚為節度使以其部落以其本番部故附外國品末

泉志卷之十三

宋洪遵撰

奇品



右臺主衣庫錢 顧烜曰中王之錢臺主衣庫


今有此錢徑四寸重八兩面文曰中王之錢背  
 文曰五銖七千。舊譜曰徑四寸重八兩面文  
 曰中王之錢背文曰五銖七千。敦素曰所謂  
 卍字者古萬字也此錢錢中最大蓋謂一當五  
 銖之千萬固嘗讀其面文為錢中之王背文為  
 五銖千萬于理為勝。封氏曰面為隸書背為  
 篆書。



右羅紋錢



右翅紋錢



右北平錢  
 之狀



顧烜曰一錢臺主衣庫今有

舊譜曰文曰大泉五十背為北平



右軒轅錢 顧烜曰今有此錢徑一寸重五銖  
面文為北斗軒轅之象背文為矛盾龍鳳之形  
謂之北斗星錢 張台曰唐太宗與建國功臣  
於禁中馳騎射軒轅錢孔即此錢也




右柄文錢




右日月錢



右井文錢




右雙五錢



右雙十錢 顧烜曰五錢並奇異今世見有  
余按顧氏所見異錢本七種舊譜移太和五銖  
入正用品大泉五銖入不知年代品



右星月錢




右四五錢 余按此錢顧烜所載四傍皆篆書  
五字董道謂之四五錢李孝美乃以五銖字上  
下之與舊說抵牾何也



右八星錢 顧烜曰三錢劉氏錢志所載並未  
見奇異稀有原始未聞 余按顧氏所載本四

種舊譜移兩銖入不知年代品類又世傳本四




右鯨文錢 張台曰肉好背向皆有周郭一而

有雙魚宛轉之文何也



右兔犬錢 舊譜曰此錢形甚瑰麗面作兔犬

之文上兔下犬而無文字



右明月錢 徐氏曰此錢文曰明月 余按此

錢徑九分重四銖二參製作鏤薄形質簡古外  
無輪郭背文明澈舊譜所圖與此小異又不載  
輕重大小計得其名而未見之也




右四神錢 舊譜曰肉好背面皆有周郭並作青龍白虎朱雀玄武之狀亦有一面者大者徑寸八分重三兩



右萬國錢 余按此錢徑寸六分重十三銖面文平地作水文一字類梵書不可識或云日字背文為星官月兔雲鶴龜形慶善郎中守儀真


得之郡圃土中



右龍文錢 敦素曰徑九分重三銖兩傍有文如日月皆不可識制作肉好者如半兩 張台曰以礪石為之非銅也







右三雀錢 舊譜曰徑寸二分重十銖背函緣  
 上皆作三雀銜花相向文曰五行大布背文有  
 野草開花之狀



右龜背錢 顧烜曰四文龜背錢今有此錢徑  
 一寸重六銖文曰太平百錢背文隱起為龜形  
 舊譜曰龜背文錢 背為龜甲隱起之形 余  
 按此錢今世尚有之函文曰太平百錢篆書錢

字湮晦巨見背文夷漫為龜背形與顧氏所畫  
 背文相類舊譜謂之龜背文錢畫其背為龜甲  
 非也



右水波紋錢 顧烜曰太平四文錢背有水波  
 紋者三種並徑一寸重六銖文曰太平百錢大

泉志卷十三  
 體類前條太平四文但製作微為瓌壯而背有波紋耳今世往往有之莫知其始舊譜曰水波紋錢大篆小篆隸書三種




右雙星錢 李孝美曰此錢徑寸一分重五銖


面文肉郭



右玄武錢 李孝美曰此錢徑寸二分重八銖文永通萬國背文為玄武星劍之象 余按此錢銅色精好制作甚工今世尚有之



右千秋錢 李孝美曰徑寸九分重二十四銖面文曰千秋萬歲背文為龍鳳之象





右龍鳳重輪錢

余按此錢徑寸三分重七銖

二參背文重輪肉形渾厚面文篆書曰永通泉貨背為龍鳳盤繞之象



右雙鳳錢

余按此錢徑寸二分重六銖輪郭

重厚面文為雙鳳翔舞之狀



右雙魚錢

余按此錢徑九分重四銖五參面

文為龍鳳盤繞之形背文雙魚相向



右四事錢

余按此錢徑九分重三銖六參面

文二人相向一立一坐上有飛禽下一走犬背文夷漫




右单面龍鳳錢 余按此錢徑九分重三銖九  
參面文為龍鳳之象背文夷乎



右龍鳳錢 李孝美曰此錢徑寸重七銖面文  
有肉郭為龍鳳之形背夷漫而為雙鶴鷓鴣盤  
繞之狀其文皆隱起 余按此錢背面文如李

氏之說但面文隱起水波紋背文鑿成雲彩又  
有一種徑九分重三銖六參面文亦為龍鳳形  
背為四人執刀楯之狀隱起毬路文



右藕心錢 四種其一長一寸二分濶九分重  
一兩二錢無銘其二長一寸一分濶七分重一

兩三錢無銘其三長一寸三分濶七分重一兩  
二錢無銘其四長一寸三分濶三分重二錢有  
半無銘 李孝美曰世有藕心錢不著出於何  
時 余按宣和博古圖云此四錢大小雖殊皆  
若破藕狀及觀李孝美畫譜與此雖異然其說  
亦謂上下通缺若藕挺中破狀與此乃正相合  
但未知其何世物耳

泉志卷之十三

泉志卷之十四

宋洪遵撰

神品



右輕影錢 洞冥記曰漢武帝昇望月臺時暝  
望南端有三青鴨宿臺端日色已暗青鴨化為  
三小童着青綺文襦各握鯨文大錢五枚置帝

几前身上影動名輕影錢源文大變正



右清水錢 洽聞記曰晉義熙十二載清陽縣

羣童子浴於清水忽見側有錢出如流沙因競

取之手滿放隨流去又以衣盛裹各有所得



泉志卷十四

右會稽船錢南宋書五行志曰晉海西太和

會稽山陰縣起倉鑿地得兩大船滿中錢錢皆

輪文大形時日向暮鑿者馳以告官官夜遣防

守甚嚴至明失錢所在唯有船存視其狀悉有

錢處



右青溪宅錢 南史齊本紀曰世祖於其佳堂

內得異錢文為北斗星雙刀雙旗及有人形帶劍南齊祥瑞志曰宋明帝泰始中世祖於青溪宅得錢一枚文有北斗七星雙節又有人形帶劍余按此錢舊譜以南齊志圖之今以南史為正




右太平錢南齊祥瑞志曰世祖治益城又得

一太錢文曰太平百歲




右齊興郡錢南齊祥瑞志曰永明七年齊興太守劉元寶治郡城於塹中獲錢百萬形極大以獻臺以為瑞世祖班賜朝臣以下各有差



右齊安郡錢南齊祥瑞志曰永明十年齊安

按南齊書九字作大為字作萬二千十作之千


郡民王攝掘地得四文九錢一為二十七百十枚品製如一李孝美曰按此與會稽齊興錢文字大小皆未之聞




右冷公百爐錢丘悅三國典畧曰西魏大統七年正月東魏有雀銜永安錢置渤海王高歡前歡世子澄乃令百爐別鑄此錢鄴中號令公百爐錢封氏曰背文四出張台曰徑八分

尚疑當作向

重二錢五黍李孝美曰按此錢據所有者背文大小皆如封張所說面文輕重不與魏錢小異銅色深赤肉郭尚外漸薄如碾輪狀然不知其他如何也



右廣宗郡錢三國典畧曰北齊文宣帝天保元年正月即位十月廣宗郡獻瑞錢文曰歸于聖帝



右偽趙錢 晉書載記石勒傳曰秦始中建德校尉王和掘得一鼎容四斗中有大錢三十文曰百當千千當萬因此令公私行錢



右軒轅錢 令狐澄大中遺事曰軒轅先生居

羅浮山唐宣宗召入禁中以桐竹葉滿手授成錢 晞陽子賓仙傳曰軒轅先生取榆莢肉於袖良久寫之皆為小錢遂治飲之



按野銀橫作搗 生當作


右孫先生錢 湘山野錄曰成都高僧誦法華經有功忽一山僕至寺言先生來晨請師誦經在藥市奉候至則烟嵐中橫一跨溪山閣乃其居也僕曰先生請師且誦經誦至寶塔品先失

野服杖藜嘿揖藝香聽罷遂入不復出齋以藤盤竹箸秣飯一盂杞菊數甌食訖施觀一銀僕送出路口中途問僕曰先生何姓曰姓孫曰何名僕于僧掌中書思邈二字僧大駭欲再往僕遽失之視視資乃金錢一百皆良金也中五六金一半尚鐵



右桐城錢 徐鉉稽神錄曰壬子歲林城雙堦


有回風卷錢經市而過市人隨攬其錢以衣貯之歸視與錢無異而十六七八




右白雀錢 徐鉉稽神錄曰徐仲寶所居道南有大枯樹僕夫灑掃其下沙中獲錢百餘以告仲寶仲寶自往獲數百如是積年凡得數十萬其家人復於厨側鼠穴中得錢甚多仲寶率人掘之深數尺有一白雀飛出其下獲錢至百萬



錢盡白雀乃去



右壽春錢 徐鉉稽神錄曰壽春人曹真出行  
野外忽見坡下有數千錢自遠而來飛聲如鈴  
真逐之入一小穴以手掬之可得數十而已



右應元錢 沈括筆談曰廬山太平觀乃九天

採訪使者祠唐開元中創建元豐二年道士發  
地得一餅封鏽甚固破之有一銅錢文有應元  
保運四字不以爲異元豐四年忽有詔進號九  
天採訪使者爲應元保運真君與錢文符同本  
觀乃以其錢表獻之



右北海鐵錢 劉崇遠金華子曰北海縣中門  
中有地隱起若小堆阜一縣宰乃令平之去數

尺土即得小鐵錢散實其下深丈餘乃得一記云此是海眼故鑄錢以鎮壓之又不明敘時代其錢大小如五銖




右嚴君平錢 趙抃成都記云嚴真觀漢嚴君平宅也內有井名曰通仙者舊傳云此井與漢州綿竹縣君平宅中井相通近歲有入淘井得銅錢三文徑可二寸因恍惚不安投錢井中立

愈或曰此君平擲卦錢也



右科手錢 趙抃成都記云唐乾符中蜀州刺史李師泰理第於錦浦里北門西與李永祠鄰距宅之北地形漸高崗走西南與祠相接於其堂北鑿地五六尺得木家輓甃甚固得金錢於甃外數十枚各重十七八銖徑一寸七八分圓而無孔去緣二分有隱起規規內面各科手書

二十一字其緣甚薄有刃焉督役者以白師泰  
師泰命并金錢復瘞之



右鷺口洞錢

樂史總仙記曰皇朝淳化元年

昇州奏二月十五日夜忽有雷聲茅山鷺口洞  
宮石開二尺裏面得銅鐵錢三十一文

泉志卷之十四

泉志卷之十五

宋洪遵撰

厭勝品



右永安五男錢 舊譜曰徑三寸三分重十八  
銖厚一分上下輪郭之間皆作粟文面上四出

文文曰永安五男背作四神之狀又有日月相對者李孝美曰按所見者徑寸二分背商皆四出有粟文面文曰永安五男篆文與後魏永安五銖相似唯男字真書耳



右七夕錢 舊譜曰徑寸四分重十三銖肉好背商皆有周郭文為牽牛織女相對形穿上為

花穿下為草製甚古質 李孝美曰據所看者面無好郭



右福慶錢 舊譜曰徑寸二分半重十銖肉好背商皆有周郭亦有徑寸四分重十八銖者文曰伍男貳女叁公玖卿好郭邊作連珠文於外分為八分若箕形其二三五九皆作大字



右撒帳錢 舊譜曰徑寸重六銖肉好背而皆  
有周郭其形五出穿亦隨之文曰長命守富貴  
背而皆為五出文若角錢狀景龍中中宗出降  
廢宗女荆山公主特鑄此錢用以撒帳勅近臣  
及修文館學士拾錢其銀錢則散貯絹中金錢  
每十文即繫一絲條學士皆作却扇其最近



御坐者所獲居多有學士考功員外武平一既  
出逢韋巨源蘇味道各執平一將在燭下云員  
外事僕射省主欲有何取以手探平一懷盡而  
後已 李孝美曰頃見此錢於汝海王霖家形  
製文字皆如舊譜所說但差大而銅鑄耳



右男錢 舊譜曰徑寸重四銖懸針書文曰布  
泉世人謂之男錢言佩之則生男也 敦素曰

矣當  
作美

徑寸一分形製精巧字體與貨泉畧同疑王莽時鑄後周亦有布泉字皆玉筋與此相並殊不侔也李孝矣曰此錢徑九分重五銖背面肉好皆有周郭舊譜列在不知年代品今移於此



右辟兵錢 舊譜曰徑八分重三銖背面皆有周郭又有兩重於方穿之中復更有小穿邪正安乏疑若八角然其文一面曰去殃除凶一面


曰辟兵莫當皆篆字其間有八柱郭外仍有小柄



右千金錢 舊譜曰形製輕重類辟兵錢其文一面曰長毋相忘一面曰日入子金錢間亦有八柱




右豐樂錢 舊譜曰徑八分重一銖五黍面文有四字皆科斗書其可識者豐樂肉好背面皆有周郭 李孝美曰此錢文曰天清豐樂



右君宜侯王錢 舊譜曰此錢徑一寸重如其文有六字曰君宜侯王五銖並篆書背面但有肉郭而無好郭形製與漢五銖同而不甚精妙 李孝美曰漢五銖錢面無好郭而背有之此

錢既云背而皆有不好郭安得與漢錢同形製也



右長年錢 舊譜曰徑七分款文曰長年太寶



右富錢 晉書石勒載記曰勒鑄豐貨錢 舊譜曰徑一寸重四銖文曰豐貨世人謂之富錢言收此錢令人豐富 余按此錢徑九分重三銖

泉志卷之五  
五  
輪深好闊，面文有豐貨二字篆書



右五男二女錢 李孝美曰此錢徑七分厚一分半重十銖背面有字皆曰五男二女



右天下太平錢二品 李孝美曰此二錢大小不等，面文皆曰天下太平，背文並隱起大者徑一寸重六銖為持挺人傍有躍龍之狀而平地作水文，小者徑八分重五銖為五男二女戲弄之象而平地作毬路文，疑亦厭勝之流也。余按此二錢今世有之，又有二種，其一，面文亦曰天下太平，背文為四人持兵象之象而平地作水文，徑八分重三銖六參，又有一種，面文亦曰天下太平，背文為九子母之形，平地作毬路文，徑八



分重二銖四參

泉志一書自鄱陽結撰以來率為好事者帳中之奇故閱千餘載而迄無刻本吾友沈汝納胡考轅博雅嗜古旁羅秘冊刻為彙函總若干卷手披邊櫛訂其魚魯獨挈是編屬之不佞以不佞粗知六書且諳繪事不唯證誤且可貌真耳蓋志者史之一流其叙事貴核其肖象貴真自春秋而降墨筆擦牘者不知凡幾獨稱司馬子長為良史者正以其核且真也故指次數千載

泉志跋

泉志一書自鄱陽結撰以來率為好事者帳中之奇故閱千餘載而迄無刻本吾友沈汝納胡考轅博雅嗜古旁羅秘冊刻為彙函總若干卷手披邊櫛訂其魚魯獨挈是編屬之不佞以不佞粗知六書且諳繪事不唯證誤且可貌真耳蓋志者史之一流其叙事貴核其肖象貴真自春秋而降墨筆擦牘者不知凡幾獨稱司馬子長為良史者正以其核且真也故指次數千載

事歷歷如畫壯者令人喜悲者令人泣滑稽者令人思幽憤者令人歎喑啞叱咤者令人驚怖而辟易言人人殊無不神肖嗣是而班固諸史核則核矣能摹古人之神者誰乎故子長而後雖謂之無史可也泉志之作其興廢源流一準諸史可謂核矣然其間形製之細鉅肉質之醜好輪郭之週闕文理之晦晰與夫刀布異模篆隸殊畫亦猶夫悲者壯者滑稽者幽憤者喑啞而叱咤者莫不有神存乎其間摹之一不肖可

稱志哉繕本圖篆失真僅存形似蓋小學廢而六書隱即博學如歐公且以八分爲隸况其下者乎古人左圖右書圖以徵象書以證理自棄圖存書而學士大夫且且繪畫爲無益而鄙薄之又焉恠圖篆之失真耶不佞咕嗶之餘頗嘗卒業遂出所君以校讐之其形製小大一擬其文若夫鎔鑄者有輪翦鑿者無郭此銅錫與金銀之少異也匪獨標聞亦由徵觀至於字畫文采考其時代以爲煩簡唯求神肖不以意參俾

世之觀覽者亦如讀史記而象與自遇焉則核  
而且真可以稱志矣萬曆癸卯短至日錢塘徐  
象梅識

京兆一色東溪點校

元祿十年丁丑正月之吉

京東洞院通夷川上町林九兵衛梓

